

## Maušē gīvenēms rodēniuop

Mēigt mona Maušis lapūs, pot, ka ousātā krot. Nieka neveiz, nieks narūp. Prikērtā karuosa galvū ē ēlsas. Mat mona sosiedā bova žvejībuo, parnešē žovēis ē mūsa katēneliou davē. Nabrūp paukštiu medžiūonēs. Nebkēik jau tū paukštieliu ē belēka mūsa kēimē – vēinē žvērblūtē čērškau, po kleva šakelēs topinie ē tēik.

Svarbiausis rēkals īr tumet, ka šonelius palēd pasēlakstītē. Tēi apstuo Maušieli rato – luo, orzg... Vo tas ni ēš vēitas nekrot. Paluo paluo šonelē, anims jau ikirst... Tumet Maušis šuok biegtēis, no tumet tēi gruob anou. Ruods, ka perplieš par posē – vo veiziek – svēks jau top ont tvuoruos ē laižuos sovelta oudēga... Je, vēsē mondrē.

Vo ka rodou atēn – rēk būtē draugiškesnims, jog, ka šaltis kedens kailēnius, rēks ēr i būda po draugīstē karto solīstē...